

POZIV

za

ČETVRTU JAVNU DEBATU -GODINU DANA POSLIJE-

„Počinioci i žrtve krivičnih djela su naša djeca- Spriječimo maloljetničku delikvenciju“

06.02.2009. godine (petak), godinu dana nakon napada trojice maloljetnika na Denisa Mrnjavca u sarajevskom tramvaju, Centar za kulturu dijaloga organizuje četvrtu javnu debatu pod nazivom: „**GODINU DANA POSLIJE – POČINIOCI KRIVIČNIH DJELA SU NAŠA DJECA – SPRIJEČIMO MALOLJETNIČKU DELIKVENCIJU**“. Debata će biti održana u prostorijama UNITIC-a, prvi sprat sa početkom u 10.00. Cilj debate je monitoring realizovanih – obećanih aktivnosti vladinih, nevladinih institucija i organizacija na suzbijanju maloljetničkog prestupništva u protekloj godini.

Želimo istaći da debatom organizator ne želi naprosto denuncirati ni jednu instancu vlasti ili nevladin sektor, već isključivo uspostaviti odgovornu, vidljivu i svima dostupnu saradnju između institucija vlasti i građana. Putem argumentovanog dijaloga i javnog izvještavanja o aktivnostima vlasti o konkretnim akcijama želimo postići cilj: „**siguran i miran život građana**“, „**odgovorna i efikasna vlast**“ i „**odgovorna vlast – odgovorni građani**“.

S tim u vezi, a u skladu sa brojnim akcionim planovima, zaključcima, saopštenjima i preporukama nastalim u periodu 15.02.2008. – 05.02.2009. godine, od prve – do četvrte javne debate, četvrta javna debata će, isključivo, biti zasnovana na njihovom donošenju i provođenju u pomenutom periodu.

Poseban akcent će biti stavljen na monitoring obećanih – realizovanih aktivnosti koji se odnose na sljedeće segmente:

- Izuzeti Zakon o Zavodima iz paketa zakona o socijalnoj zaštiti koji nisu regulirani
- Identificirati pojedinačnu odgovornost ne objavljivanja Strategije za prevenciju maloljetničke delikvencije
- Verificirati Strategiju za prevenciju maloljetničke delikvencije
- Hitno donijeti izmjene i dopune Zakona o izvršenju krivičnih sankcija FBiH
- Hitno pooštriti zakonske mjere za počinioce krivičnih djela na nivou Kantona
- Uspostaviti komisije za pitanja mladih pri općinskim vijećima, Gradu i Kantonu, a tamo gdje postoje dati mnogo veći značaj uvezivanjem volonterskog rada i slobodnog vremena
- Obezbijediti sredstva za vannastavne aktivnosti- škole otvoriti besplatno za učenike subotom i nedjeljom
- Pokrenuti inicijativu za izmjene i dopune pedagoških standarda sa ciljem kvalitetnijeg posvećivanja odgojnoj komponenti
- U svim školama održati sastanke i predavanja na temu maloljetničkog prijestupništva
- Formirati vijeća roditelja osnovnih i srednjih škola na nivou Kantona
- Hitno pristupiti realizaciji «Akcionog plana prevencije u Kantonu Sarajevo u segmentu odgoja i obrazovanja» usvojenu na sastanku direktora i pedagoga Kantona Sarajevo održanom 14.2.2008. godine u Katoličkom školskom centru Sv. Josip u Sarajevu a na prijedlog Ministarstva obrazovanja i nauke KS
- U medijima objaviti spisak ugostiteljskih objekata u kojima se učestalo dešavaju evidentirani incidenti-nasilje i sukobi
- Povećati odgovornost medija prema informacijama koje se odnose na kriminogene skupine i kriminal općenito u cilju smanjenja afirmiranja ovih pojava
- Uspostaviti komisije za pitanja mladih pri općinskim vijećima, Gradu i Kantonu, a tamo gdje postoje dati mnogo veći značaj uvezivanjem volonterskog rada i slobodnog vremena
- Učenicima obezbijediti besplatno korištenje sala za tjelesni odgoj
- Da li je usvojen Nacrt zakona o maloljetnim učiniocima krivičnih djela?!

- Da li su otvoreni zatvori za maloljetnike prestupnike?
- Da li su otvoreni novi Centri za smještaj malodobnih osoba?
- Da li su popunjeni kapaciteti Centra za maloljetnike prestupnike u Vogošći?
- Zavod za maloljetnike Hum – stvarna ili formalna funkcija?
- Da li se poboljšala saradnja MUP – pravosuđe?
- Šta učiniti sa maloljetnim prestupnicima - povratnicima u izvršenju krivičnih djela?
- Šta su nevladine organizacije uradile na suzbijanju maloljetničkog prestupništva?!
- Ko finansira projekte nevladinih organizacija u vezi sa maloljetničkim prestupništvom?
- Da li nevladine organizacije surađuju sa vladinim institucijama na polju maloljetničkog prestupništva?
- Da li se Strategija za sprječavanje maloljetničkog prestupništva u BiH počela primjenjivati?
- Da li je još uvijek jedina sankcija za maloljetne prestupnike prijava nadležnom organu?
- Da li su postojeći zakoni i strategije o maloljetničkom prestupništvu samo „mrtvo slovo“ na papiru?
- Da li je zatvor za maloljetnika najbolja preventiva i sankcija maloljetnom prestupniku?
- Postoji li specijalizovani tim psihologa za rad sa maloljetnim prestupnicima?
- Da li su aktivnosti koje se odnose na prevenciju delikvencije primjenjuju u školama?
- Da li su raspisani konkursi za nove projekte sa pojačanim aktivnostima na prevenciji?
- Primjeri preventivne prakse?
- Da li se bilježi broj prijava nakon 23.00?
- Da li se broj prijava koje se odnose na maloljetne prekršioce zakona smanjio?

Iz prethodnih segmenata se može zaključiti da će debata biti podijeljena na sljedeće okvire: pravosuđe, bezbjednost, obrazovanje, uloga nevladinih organizacija i Ministarstva za ljudska prava i izbjeglice.

Ljubazno Vas molimo da vaše prisustvo potvrdite najkasnije do ponedjeljka 02.02.2009. godine na sljedeće brojeve telefona: **+387 33 203 668; 208 370**

Vrijeme predviđeno za prezentaciju je 7 minuta, a za diskusiju fiksno po panelu 20 minuta, izuzev za panel II. Također Vas molimo da materijal koji ćete prezentirati dostavite organizatoru 2 dana prije debate kako bismo ga mogli umnožiti.

Iskreno se nadam da ćete prepoznati značaj ove javne debate i Vašim prisustvom doprinijeti njenom kvalitetu i cilju, zbog svih mladih ljudi u BiH, zbog svih potencijalnih „Denisa“ ove zemlje, ali i demokratskih načela i sigurnosti u BiH, jer ćemo samo aktivnim aganžmanom djelovati na vlast, građane, NVO-e, pokazati da nismo zaboravili, da nam je stalo da izgradimo zdravo društvo i zaštitimo našu djecu i generacije koje dolaze. Ne smijemo zažmiriti, jer – „počinioci i žrtve krivičnih djela su naša djeca“!

Srdačno vas pozdravljam ,

Sanja Vlasisavljević
Izvršna direktorica
Centar za kulturu dijaloga
Adresa: Augusta Brauna 6
Tel/ fax: +387 33 203 668
Tel/ fax: +387 33 208 370
Mob: +387 61 269 587
WEB: www.ckd.edu.ba

Sarajevo, 27.01.2009. godine